

全上古三代秦漢三國六朝文

全宋文卷八

烏程嚴可均校輯

明帝二

改葬崇憲太后詔

四年五月

崇憲昭太后脩寧陵地大明之世久所考卜前歲遭諸蕃之難禮從權宜奉營倉卒未暇營改而塋隧之所山原卑陋頃年積壤日有滋甚恆費脩壅終無永固且詳攷地形殊乖相勢朕蚤蒙慈遇情禮兼常思始終之義載彰幽顯史官可就巖山左右更宅吉地明審龜筮須選令辰式遵舊典日禮禋制今中寓雖寧邊虜未息營就之功務在從簡舉言尋悲情如切割

宋書文帝路叔媛傳

車服詔

八月甲寅

車服之飾象數是遵故盛皇雷範列聖垂制朕近改定五輅酌古代今脩成六服治時變禮所施之事各有條敘便可付外載之典

章朕曰大冕純玉纁玄衣黃裳乘玉輅郊祀天宗祀明堂又曰法
冕五綵纁玄衣絳裳乘金輅祀太廟元正大會朝諸侯又曰飾冠
冕四綵纁紫衣組裳乘象輅小會宴饗餞送諸侯臨軒會王公又
曰繡冕三綵纁朱衣裳乘革輅征伐不賓講武校獵又曰紃冕二
綵纁青衣裳乘木輅耕稼饗國子又曰通天冕朱紗袍爲聽政之
服宋書禮志五通典六十一又御覽六百八十六引王智深宋記
寬刑詔九月戊辰

夫愆有大小憲隨寬猛故五刑殊用三典異施而降辟次網便暨
鉗撻求之法科差品滋遠朕務存欽卹每有矜貸尋制科罪輕
重同之大辟卽事原情未爲詳衷自今凡竊執官仗拒戰邏司或
攻剽亭寺及害吏民者凡此諸條悉依舊制五人以下相逼奪者
可特賜黥刑投畀四遠仍用代殺方古爲優全命長尸施同造物
庶簡惠之化有孚羣萌好生之德無漏幽品宋書明帝紀

搜括隱逸詔

五年九月

夫箕穎之操、振古所貴、沖素之風、哲王攸重。朕屬橫流之會、接難晦之辰、寵暴翦亂、日不暇給。今雖關隴猶寓、區縣澄氛、偃武修文、於是乎在。思崇廉恥、用靜馳薄、固已物色載懷、寢興如歎。其有貞栖隱約、自事衡樊、鑿區遺榮、負釣辭聘、志恬江海、行高塵俗者、在所精加搜括。時已名聞、將貲園矜德、茂昭厥禮。羣司各舉所知、已時授爵。

宋書明帝紀

下廬江王禕詔

五年

昔周室既盛、二叔流言、漢祚方隆、七薨迷叛。斯實事彰、往代難興。自古雖聖賢御極、寓內紆忠。大尉廬江王、藉慶皇枝、蚤升寵樹。幼無立德、長缺脩聲。淡薄親情、厚結行路。狎昵羣細、疏濫人士。自朕撥亂定宇、受命應天。實尚睦敦、克敷友于。故崇殊爵、超居上台。而公常懷不平、表於事迹。公若德深望重、宜膺大統。朕初平暴亂、豈

敢當璧自然推符奉璽天祚有歸且朕雖居尊極不敢自恃宗室之事無不諮公不虞志欲難滿妄生窺怨積惡在衿遂謀社稷曩者四方遘禍兵斥畿甸縉紳憂惶親賢同憤惟公獨幸厥災深忤時難晝則從禽遊肆夜則縱酒絃歌側耳視陰企賊休問司徒休仁等竝各令弟事兼家國摧鋒履險名伐一方蒙霜踐棘辛勤已甚況身被矢石否泰難虞悠悠之人尙有信分公未嘗有一箇之使遣半紙之書志棄五弟已餌讎賊自謂身非勦烈義不參謀必期凶逆道申呂圖輔相及皇威既震羣凶肅蕩乃有同慶萬國合欣而公容氣更沮下帷晦迹每覘天察宿懷協左道呪詛禱請謹事邪巫常被髮跣足稽首北極遂圖畫朕躬勒已名字或加之矢刃或烹之鼎鑊公在江州得一漢女云知吉凶能行厭呪大設供養朝夕拜伏衣裝嚴整敬事如神令其呪詛孝武并及崇憲祈皇室危嶽統天稱已巫稱神旨必得如願後事發覺委罪所生微幸

敘隔、僅得自免。近又有道上張寶爲公見信，事既彰露，肆之於法。公不知慚懼，猶加營理，遣左右二人主掌殯舍，顯行邪志，罔顧吏司。又挾閹豎陳道明交關不送，傳驛旨意，投金散寶，已爲信誓。又使府史徐虎兒招引邊將，要結禁旅，規害台輔，圖犯宮掖。公受性不仁，才非治用，昔忝江州，無稱被徵，前莅會稽，目舉左黜。公稽古寡聞，嚴而無理，言不賜寒暑，惠不及帷房，朝野所輕，招紳同侮，豈堪輔相之地。監任莅民之職，非唯一朝，有自來矣。大明之世，迄於永光，公常留中，未嘗外撫，何日在今方起嫌怨。公少卽長，人情無衰感，侍拜長監，從祀宗廟，顏無戚狀，淚不垂臉。兄弟長幼，靡有愛心。昔因孝武，御筵置酒，心誠不著，於時義陽念遇本薄，遭公此譖，益被猜嫌。朕當時狼狽，不暇自理，賴崇憲太后譬解，百端少蒙申亮，得免殃責。景和狂主，醜毒橫流，初誅宰輔，豺志方扇，於建章宮召朕兄弟，逼酒使醉，公因酒勢，遂肆苦言，云朕及休仁與太宰親

數往必清閑。贈貺豐厚。朕當時惶咳。五內崩墜。於其語次。劣得小止。往又經在尋陽。長公主策兄弟共集。忽中坐忿怒。厲色見指。曰朕行止出入。每不能固。若得稱心。規肆忿憾。惟公此旨。蚤欲見滅。而天道愛善。朕獲南面。不長惡逆。挫公毒心。自大明積愆。國弊民凋。加景和奢虐。府藏罄盡。朕在位甫爾。卹義具瞻。仍值終阻。蜂起日耗。萬金公卿庶民。傾產歸獻。積受台奉。贊育優廣。朕踐祚之初。公請故太宰東傳餘錢。見入數百萬。內不充養。外不助國。散賜詔諛。徧惠趨隸。推心攷行。事類斯比。羣小交構。遂生異圖。籍籍之議。轉盈民口。公若地居衡寄。任專八柄。德育於民。勳高於物。勢不自安。於事爲可。公旣才均櫟木。牽弓曲全。因高無民。得守虛靜。而坐作凶咎。自闕深蠲。由朕誠感無素。爰至於此。永尋多難。愧慨實深。凡人所行。各有本志。朕博愛尙仁。爲日已久。尙能舍讎。恕舉著於觸事。豈容於公。不相隱忍。但禍萌易漸。去惡宜疾。負荷之重。豈得

坐觀且蔓草難除、燎火須撲、狡扇之徒、宜時誅翦、已詔司戮肅正
典刑、公身居戚長、情禮兼至、準之常科、順有惻怛、宜少申國憲、已
弔不臧、今已淮南宣城、歷陽三郡、還立南豫州、降公爲車騎將軍
開府儀同三司、南豫州刺史、削邑千戶、侍中王如故、宋書應江王禕傳
已武陵王智隨繼世祖嗣詔 十月辛卯

世祖孝武皇帝、雖恃尊墮惠、勳狹政弛、樂飲無饜、事因於寧泰、任
威縱費、義緣於務寡、故已積怨、動天流殃、胤嗣景和肇贊、義嘉成
禍、世祖繼體、陷憲無遺、昔皇家中圯、含生懼滅、賴英孝感、奮掃雪
冤恥、勳繼墜歷、拯茲窮氓、繼絕追遠、禮訓攸尙、況旣帝且兄、而缺
斯典、今已第九子智隨、奉世祖爲子、武陵郡、大明之世、事均代邦、
可封智隨、武陵王、食邑五千戶、尋世祖一門、女累不少、旣無釐總、
義須防閑、諸侯雖不得祖稱、天子而事有一家之切、且歸寧有所
疹疾相營、得失是任、閨房有稟、朕應天在位、恩深九族、庶此足申

追睦之懷敷愛之旨

宋書武陵王贊傳贊初名智隨

贈劉襲詔六年三月

故中護軍臨澧縣開國侯志行貞純才用理濟忠勤著於艱時勲績倡乎泰運年志始壯奄焉因折悲傷惻惻實兼常懷思加寵數

已申哀榮可贈護軍將軍加散騎常侍口如故諡曰忠侯

古刻墓誌劉襲

郊祀詔五月乙亥

古禮王者每歲郊享爰及明堂自晉已來間年一郊明堂同日賀文詳略疏數有分自今可間二年一郊間歲一明堂外可詳議

宋書

禮志

立晉熙王嗣詔六年

夫虎狼護子猴猿負孫毒性薄情亦有仁愛故識念氣類尚均羣品況在人倫可忘天屬昔熙太妃謝氏沈刻無親物理罕比征北

公雖孝道無替而遭此不慈自少及長闕恩鞠之口乃至休否莫
關寒溫不訪晨昏屏塞定省靡因事無違忤動致誚責毒句發口
人所難聞加惡備苦過於讎隙遂事憤於宗姻義傷於行路公故
妃郝氏婦禮無違逢此嚴酷遂曰憂卒用天盛年又謝氏食則豐
珍衣則文麗奉己之餘播覃羣下而諸孫穢不溫體食不充飢付
之姆姝之手縱曰任軍之路遇其所生棄若糞土繼繼比於重囚
窮困過於下使誠皇規方遠沙塞將一公脩短不諱亦難豫圖兼
妾女累弱一第領主防閑之道人理斯急朕所曰詔第六子燮奉
公爲盾欲曰毗整一門爲公繼紹但謝氏待骨肉至親尙相棄蔑
況曰義合免苦爲難患萌防漸危機須斷便可還其本家削絕蕃
秩

宋書晉熙
王昶傳

罪始安王休仁詔七年五月

夫無將之誅諒惟通典知咎自引實有偏介劉休仁地屬密親位

居台重。朕友寄特深。寵秩兼茂。不能弘贊國猷。裨宣政道。而自處
相任。妄生猜嫌。側納羣小之說。內懷不逞之志。晦景蔽迹。無事陽
愚。因近疾患。沈篤。內外憂悚。休仁規逼禁兵。謀爲亂逆。朕曲惟天
倫。未忍明法。申詔諧。辨毀事原。休仁慚恩。懼罪。遽自引決。追尋
悲痛。情不自勝。思屈法科。呂伸矜悼。可宥其二子。并全封爵。但家
國多虞。釁起台輒。永尋既往。感慨追深。宋書始安王休仁傳

荅有司奏始安王休仁罪狀詔

五月

邢匹婦狂愚。不足與計。休仁知數自引。情有追傷。可特爲降。始安
縣王食邑千戶。并停伯融等流徙。聽襲封爵。伯猷先紹江甌國令。

還本賜爵鄉侯。

宋書始安王休仁傳

與諸方鎮及諸大臣詔

五月

休仁致殞。卿未具悉。事之始末。今疏以相示。休祐貪恣。非政法網
之所不容。昔漢梁孝王淮南厲王。無它釁悖。正以越漢制度耳。況

休祐吞膺聚斂爲西數州之蝗取與鄙虐無復人情。願得王景文
褚淵沈攸之等啟陳其辜惡轉不可容。吾篤兄弟之恩不欲致之
呂法且每恨大明兄弟情薄親見休祐屯苦之時始得寬寧。彌不
忍問所呂改授徐州冀其去朝廷近必應能自懷革及拜徐州未
及之任便徵動萬端暴濁愈甚。旣每爲民難不可復全。休仁身粗
有知解兼爲宰相又吾與其兄弟情昵特復異常頗與休仁論休
祐舉狀休祐呂休仁爲吾所親必應知吾意又云休仁言對能爲
損益遂多與財賂深相結事乃寢必同宿行必共車休仁性軟易
感說遂成繼繼共爲一家是吾所止密言一時倒寫吾與休仁少
小異常唯虛心信之初不措疑雖爾猶慮清閑之時非意脫有聞
者吾近向休祐推情戒訓嚴切休祐更不復致疑休祐死後吾將
其內外左右問呂情狀方知言語漏泄并具之由彌日懊惋心神
萎孰休仁又說休祐云汝但作佞此法自足安我常秉許爲家從

來頗得此力。但試用看有驗不。休祐從之。於是有獻奉言多乖實。積惡既不可恕。自休祐殞亡之始。休仁款曲共知。休仁既無辜。釁主相本若一體。吾之推意。初無有間。休祐貪愚爲天下所疾。致殞之本。爲民除患。兄弟無復多人。爛應思弔不咸。益相親信。休祐平生狼抗無賴。吾慮休仁往哭。或生祟禍。且吾爾日本辦仗往哭。晚定不行。吾所已爲設方便。呼入在省。而休仁得吾召入。大白驚疑。遂入辭楊太妃。顏色狀意甚與常異。既至省。楊太妃驟遣監子去。來參察。從此日生嫌懼。而吾之推情。初不疑覺。從休祐死後。吾再幸休仁。第飲噉極日。排悶入內。初無猜防。休仁坐生嫌畏。一日。吾春中多期射雉。每休仁清閑。多往雉場中。或收使陪輦。及不行。日多不見之。每值宵。休仁輒語左右云。我已復得。今日及在房內。見諸妓妾。恆語我云。不知朝夕見底。若一旦死去。作鬼亦不取汝。取汝正足亂人耳。休祐死時。日已三晡。吾射雉始從雉場出。休

仁從騎左右伏野中。吾遣人召之。稱云腹痛不堪騎馬。爾時諸王車皆停在朱雀門裏。日既暝。不暇遠呼車。吾衣書車近在離門裏。敕呼來下。油幢絡擬已載之。吾由來諸悉其體有冷患。聞腹痛知必是冷。乃敕太醫。上省送供御高粱薑飲。已賜之。休仁得飲。忽大驚告左右稱敗。今日了。左右荅曰。此飲是御師名封題。休仁乃令左右先飲。竟猶不甚信。乃慚俛噬之。裁進一合許。安生嫌貳事事如是。由來十日。五日一就問太妃。自休祐死後。每吾詔必先至楊太妃。問如分別狀。休仁由來自營府國興生文書。二月中。吏承祖齋文書呈之。忽語承祖云。我得成許。那何煩將來。吾虛心如舊。不復見信。既懷不安。大自嫌恐。惟已情理不容。復有善心。休仁既經南討。與宿衛將帥經習狎共事。相識者布滿外內。常日出入於廂下。經過與諸相識將帥。都不交言。及吾前者積日失適。休仁出入殿省。諸衛主帥裁相悉者。無不和顏厚相撫勞。爾時我既甚惡意。

不欲見外人悠悠所傳互言差劇休仁規欲聞知方便使墨度道人及勞彥遠屢求啟闕覘吾起居及其所啟皆非急事吾意亦不厝疑吾與休仁親情實異年少召來恆相追隨情向大趣亦往往多同難否之日每共契闊休仁南討爲都統既有勳績狀之於心亦何極已但休仁於吾望既不輕小人無知亦多挾背向既生猜貳不復自寧夫禍難之由皆意所不悟如其意趣人莫能測事不獲已反覆思惟不得不有近日處分夫於兄弟之情不能無厚薄休祐之亡雖復悼念猶可引理割遣及休仁之殞悲愍特深千念不能已已舉言傷心事之細碎既不可曲載詔文恐物不必卽解兼欲存其兒子不欲窮法爲詔之辭不得不云有兵謀非事實也故相報卿知

宋書始安王休仁傳

手詔王景文

尙書左僕射卿已經此任東宮詹事用人雖美職次正可比中書

令耳庶姓作揚州徐干木王休元殷鐵竝處之不辭卿清才令望
何愧休元毗贊中興豈謝干木綢繆相與何後殷鐵邪司徒曰宰
相不應帶神州遠遵先旨京口鄉基義重密邇畿甸又不得不用
驃騎陝西任要山來用宗室驃騎既去巴陵理應居之中流雖曰
閑地控帶三江通接荆郢經塗之要山來有重鎮如此則揚州自
成關刺史卿若有辭更不知誰應處之此選大備與公卿疇恆非
聊爾也

宋書王景文傳景文屢
辭內授上手詔譬之

降殷恆詔

道矜生便有病無更橫疾恆因愚習惰久妨清序可降爲散騎常
侍

宋書殷景仁傳道矜子恆爲侍中度支尚書屬父疾積
久爲右司所奏下詔又見南齊書王奐傳南史二十七

荅王景文手詔

去五月中吾病始差未堪勞役使卿等看選牒署竟請敕施行此
非密事外間不容都不聞然傳事好訛由來常患殷恆妻匹婦耳

閨閣之內傳聞事復作一兩倍落漠兼謂卿是親故希卿署不必云選事獨關卿也恆妻雖是傳聞之候大都非可駭異且舉元薦凱成由疇咨可謂唐堯不明下干其政邪悠悠好詐貴人及在事者屬卿偶不悉耳多是其周旋門生輩作其屬託貴人及在事者永無由知非徒止於京師乃至州郡縣中或有詐作書疏灼然有文迹者諸舍人右丞輩及親近驅使人慮有作其名載禁物求倖檢校疆賣獵物與官仍求交直或屬人求乞州郡資禮希謁呼召及虜發船車竝啟班下在所有卽駐錄但卿貴人不容有此啟由來有是何故獨驚之居貴要但問心若爲耳大明之世巢徐二戴位不過執戟權亢人主顏師伯白衣僕射橫行尙書中令袁粲作僕射領選而人往往不知有粲粲遷爲令居之不疑今旣省錄令便居昔之錄任置省事及幹童竝依錄格粲作令來亦不異爲僕射人情向粲淡淡然亦復不改常言此居貴位要任常有致憂兢

理不卿今雖作揚州太子傳位雖貴而不關朝政可安不懼差於
衆也想卿虛心受榮有而不爲累貴高有危殆之懼卑賤有溝壑
之憂張單雙災木雁兩失有心於避禍不如無心於任運夫千仞
之木旣摧於斧斤一寸之草亦瘁於踐踏高崖之修幹與深谷之
淺條存亡之要巨細一揆耳晉畢萬七戰皆獲死於牖下蜀相費
禪從容坐談斃於刺客故甘心於履危未必逢禍縱意於處安不
必全福但貴者自惜故每憂其身賤者自輕故易忘其已然爲教
者每誠貴不誠賤言其貴滿好自恃也凡名位貴達人目在懷泰
則觸人改容否則行路嗟愕至如賤者否泰不足目動人存亡不
足目絀數死於溝瀆死於塗路者天地之間亦復何限人不目係
意耳目此而推貴何必難處賤何必易安但人生也自應卑慎爲
道行已用心務思謹惜若乃吉凶大期正應委之理運遭隨參差
莫不由命也旣非聖人不能見吉凶之先正是依俦於理言可行

而爲之耳得吉者是其命吉遇不吉者是其命凶已近事論之景
和之世晉平庶人從壽陽歸亂朝人皆爲之戰慄而乃遇中興之
運袁顗圖避禍於襄陽當時皆羨之謂爲陵霄駕鳳遂與義嘉同
滅駱宰見幼主諸人云越王長頸烏喙可與共憂不可與共樂范
蠡去而全身文種畱而遇禍今主上口頸頗有越王之狀我在尙
書中久不去必危遂求南江小縣諸都令史任京師者皆遭中興之
慶人人蒙爵級宰他義嘉染罪金木纏身性命幾絕卿耳眼所聞
見安危在運何可預圖邪

宋書王景文傳上殺壽寂之等景文懼
自陳求解揚州請答又南史二十三

手詔劉懷珍

卿性忠讜平所仗賴在彼與年少共事不可深存受益景素兒乃
佳但不能接物頗亦墮事卿每諫之

南齊書劉懷珍傳建平王景
素爲州徙懷珍有軍司馬

遷南郡太守加監朔將
軍明帝手詔懷珍奉旨

寢疾又詔

卿不應乃作景素佐才舊所寄今徵卿參一衛直

南齊書劉懷珍傳

賜進士出身二品銜廣東等處提刑按察使司按察使兼管驛傳事務黃岡王毓藻校刊

全宋文卷八終

全宋文卷九

烏程嚴可均校輯

明帝 三

與劉勔張興世蕭道成詔暴吳喜罪

秦像元年

吳喜出自卑寒少被驅使利口任詐輕狡萬端自元嘉以來便充刀筆小役賣弄威恩苟取物情處處交結皆爲黨與眾中常曰正直爲詞而內實阿媚每仗計數運其佞巧甘言說色曲曰事人不忠不平彰於觸事從來作諸署主意所不協者覓罪委頓之曰示溝直而餘人恣意爲非一不檢問故甚得物情昔大明中黜歙二縣有亡命數千人攻破縣邑殺害官長劉子向在會稽再遣爲主帥領三千精甲水陸討伐再往失利孝武曰喜將數十人至二縣說誘羣賊賊卽歸降詭數幻惑乃能如此故每豫驅馳窮諸狡慝及泰始初東征止有三百人直造三吳凡再經薄戰而自破岡曰

東至海十郡無不清蕩百姓聞吳河東來便望風自退若非積取
三吳人情何日得弭伏如此其統軍寬慢無章放恣諸將無所裁
檢故部曲爲之致力觀其意趣止在賊平之後應力爲國計喜初
東征發都指天畫地云得劉子房卽當屏除袁標等皆加斬戮使
略無生口旣平之後緩兵施恩納罪人之貨誘諸賊帥令各逃藏
受賄得物不可稱紀聽諸賊帥假稱爲降而擁衛子房遂得生歸
朝廷收羅羣逆皆作爪牙撫接優密過於義士推此意正是開南
賊大盛殷孝祖戰亡人情大惡慮逆徒得志規自免喜善爲姦
變每日計數自將於朝廷時三吳首獻虔捷於南賊則不殺其黨
頗著陰誠當云東人惟怯望風自散皆是彼無處分非其苦相逼
迫保全子房及顧琛等足表丹誠進退二塗可自無患南賊未平
唯呂軍糧爲急西南及北道斷不通東土新平商運稀簡朝廷乃
至鬻官賣爵日救災困斗斛收斂猶有不充喜任赭圻軍主者頓

偷一百三十斛米初不問罪諸軍主皆云宜治喜不獲已止與三十鞭又不責備凡所曲意類皆如此喜至荊州公私殷富錢物無復子遺喜乘兵威之盛誅求推檢凡所課責既無定科又嚴令驅蹙皆使立辦所使之人莫非姦猾因公行私迫脇在所人官之物侵竊過半納資請託不知厭已西難既殄便應還朝而解故槃停託云扞蜀實由貨易交關事未回展又遣人人蠻矯詔慰勞賧伐所得一召入私又遣部下將吏取囚土地富人往襄陽或蜀漢屬託郡縣侵官害民興生求利千端萬緒從西還大編小艘爰及草舫錢米布絹無船不滿自喜已下迨至小將人人重載莫不兼資喜本小人多被使役經由水陸州郡殆徧所至之處輒結物情妄竊善稱聲滿天下密懷姦惡人莫之知喜軍中諸將非劫便賊惟云賊何須殺但取之必得其用雖復羸弱亦言健兒可惜天下未平但令已功贖罪處遇料理反勝勞人此輩所感唯喜莫云恩由

朝廷因惡不革恆出醜聲勞人義士相與歎息故云我等不愛性命繫擒此賊朝廷不肯殺去反與我齊今天下若更有賊我不復能擊也此等既隨喜行多無功効或隱在眾後或在幔屋中眠賊既破散與勞人同受爵賞既被詰問辭白百端云此輩既見原有擊賊有功那得不依例加賞褚淵往南選諸將卒喜爲軍中經爲賊者就淵求官倍於義士淵曰喜最前獻捷名位已通又爲統副難相違拒是已得官受賞反多義人義人雖忿喜不平又懷其寬弛往歲竺超之聞四方反叛人情畏賊無敢求爲朝廷行者乃慨然攘步隨喜出征爲其軍副身經臨敵自東還失喜意說超之多酒不堪驅使遂相委棄高敬祖半雖少宿氣力實健其有處分爲軍中所稱喜薄其衰老云無所施正曰二人忠清與己異行超之爲人乃多飲酒計喜軍中主帥豈無飲酒者特是不利超之故曰酒致言耳敬祖既無餘事直云年老託爲乞郡潛相遺斥其餘主

帥並貪濁諂媚之流皆提攜東西不相離捨喜聞天壤間有罪人死應繫者必啟目入軍皆得官爵厚被處遇應入死之人終已得活非唯得活又復如意人非木石何能不感設令吾攻喜門此輩誰不致力但是喜不敢生心耳喜軍中人皆是喜身爪牙豈關於國喜自得軍號日來多置吏佐是人加板無復限極爲兄弟子姪及其同堂羣從乞東名縣連城四五皆灼然巧盜侵官奪私亡命罪人州郡不得討崎嶇蔽匿必也黨護臺州符旨殆不復行船車牛犢應爲公家所假借者託之於喜吏司便不攸問他縣奴婢入界傾略百姓牛犢輒牽殺瞰州郡應及役者並入喜家喜兄茹公等悉下取錢盈村滿里諸吳姻親就人間徵求無復紀極百姓嗷然人人悉苦喜具知此初不禁呵索惠子罪不甚江愈既已被恩得免憲辟小小忤意輒加刑斬張悅賊中大帥逼迫歸降沈攸之錄付喜云殺活當由朝廷將帥征伐既有常體自應執歸之有司

喜卽便打鐵解襦與簪對膝圍棋仍造重義私惠招物觸事如斯張靈度因思小人背叛之首喜在西轍恕其罪私將下都與之周旋情若同體狼子野心獨懷毒性遂與柳欣尉等謀立劉禪吾使喜錄之而喜密報令去去未得遠爲建康所錄喜背國親惡乃至於是初從西反圖兼右丞貪因事物日行私詐吾患其諂曲抑而不許從此怨懟意用不平喜西救汝陰縱肆兵將掠暴居民姦人婦女逼奪雞犬虜略縱橫緣路官長莫敢呵問脫誤有縛錄一人喜輒大怒百姓呼嗟人人失望近段佛榮求還乃欲用喜代之西人聞其當來皆欲叛走云吳軍中人皆是生劫若作刺史吾等豈有活路旣無他計正當叛投虜耳夫伐罪弔民用清國道豈有殘虐無辜剝奪爲務害政妨國因上附下罪疊若此而可久容滅文仲有云見有善於其君如孝子之養父母見有惡於君若鷹鷂之逐鳥雀耿弇不曰賊遺君父前史曰爲美談而喜軍中五千人皆

親經反逆、攜養左右、豈有奉上之心、喜意志張大、每稱漢高、魏武本是何人、近忽通啟、求解軍任、乞中散大夫、喜是何人、乃敢作此舉止、且當今邊疆未寧、正是喜輸蹏領之日、若曰自處之宜、當節儉廉慎、靜埽閉門、不與外物交關、專心奉上、何得曰其雖螭、高自比擬、當是自願愆覺、事宜遐邇、又見壽寂之流徙、施脩林被繫、物惡傷類、內懷憂恐、故興此計、圖欲自安、朝廷之士、及大臣藩鎮、喜殆無所畏者、畏者唯我一人耳、人生脩短、不可豫量、若我壽百年、世間無喜、何所虧損、若使吾四月中、疾患不得治力、天下豈可有喜一人、尋喜心迹、不可奉守文之主、豈可遭國家閒隙、有可乘之會邪、世人多云、時可畏國政嚴、歷觀有天下、御億兆、仗威齊眾、何代不然、故上古象刑、民洎不犯、後聖懲僞、易曰剝墨、唐堯至仁、不赦四凶之罪、漢高大度、而急三傑之誅、且太公爲治、先華士之刑、宣尼作宰、肆少正之戮、自昔力安社稷、功濟蒼生、班劍引前、笳鼓

陪後不能保此者歷代無數養之曰福十分有一耳至若喜之深
罪其得免乎夫富之與貴雖曰功績致之必由道德守之故善始
者未足稱奇令終者乃可重耳凡置官養士本在利國當其爲利
愛之如赤子及其爲害畏之若仇讎豈暇遠尋初功而應忍受終
敝耳將之爲用譬如餌藥當人羸冷資散石曰全身及熱勢發動
去堅積曰止患豈憶始時之益不計後日之損存前者之賞抑當
今之罰非忘其功勢不獲已耳喜罪疊山積志意難容雖有功效
不足自補交爲國患焉得不除且欲防微杜漸憂在未萌不欲方
幅露其罪惡明當嚴詔切之令自爲其所卿諸人將相大臣股肱
所寄當罰事重應與卿等論之卿意竝謂云何

宋書吳喜傳帝將賜喜死先一日與

世齊王語
賜王景文死手詔

太豫元年三月

與卿周旋欲全卿門戶故有此處分

宋書王景文傳王疾篤乃遣使送藥賜景文死

遺詔 四月

朕自臨御億兆仍屬戎寇雖每存弘化而惠弗覃遠軍國凋弊刑訟未息今大漸維危載深矜歎可緩徭優調去繁就約因改之宜詳有簡衷務已愛民爲先已宣朕遺意

宋書明帝紀

崇接道猛法師詔

無年月

猛法師風道多濟朕素賓友可月給錢三萬令史四人白淨吏二

十人車及步舉各一乘乘舉至客省

高僧傳猛西涼州人東游建業上東安寺結閣講席明

帝深相崇接

追崇江夏王義恭令書

故中書監太宰領太尉錄尚書事江夏王道性淵深睿鑒通遠樹聲列藩宣風鉉德位隆姬輔任屬負圖勤勞國家方熙託付之重盡心毗導永融雍穆之化而凶醜忌威奄加冤害夷戮有暴殞容無聞憤達幽明痛貫朝野朕蒙險在難含哀莫申幸賴宗祏之靈

克纂所天之祚、仰惟勳威震動於厥心、昔梁王徵庸、警蹕備禮、東
平好善、黃屋在廷、況公德猷弘懋、彝典未殊者哉、可追崇使持節
侍中都督中外諸軍事丞相領太尉中書監錄尚書事王如故、給
九旒鸞輅、虎賁班劍百人、前後部羽葆鼓吹、輜輶車、宋書江夏王
義恭傳太宗
定亂令
書云云

加擢路休之等令書未卽位時

太皇太后蚤承愛遇、洽情卽事、同於天屬、前車騎咨議參軍路休
之前、丹陽丞路茂之、崇憲密戚、蚤延榮貴、並懷所勳、宜殊恆飾、休
之可黃門侍郎領步兵校尉、茂之可中書侍郎、宋書文帝路淑媛
傳太宗廢幼主欲
悅路太后之
心乃下令書

恤柳元景令初卽位

故侍中尚書令驃騎大將軍巴東郡開國公欸、除開府儀同三司
南豫州刺史元景、風度弘簡、體局深沈、正義亮時、恭素範物、幽明

道盡則首贊孝圖盛運開歷則毗變皇化方任孚漢輔業懋殷衡
而蜂豺肆溢顯加禍毒冤動勳烈悲深朝貫朕承七廟之靈纂臨
實業情典既申痛悼彌軫宜崇資徽冊旨旌忠懿可追贈使持節
都督南豫江三州諸軍事太尉侍中刺史國公如故給班劍三十
人羽葆鼓吹一詔謚曰忠烈公

宋書補元景傳

招集舊僧令

先帝建中興及新安諸寺所已長世垂範弘宣盛化頃遇昏虐法
像殘毀師徒奔迸甚已矜懷妙訓淵謨有扶名教可招集舊僧管
各還本竝使材官隨宜脩復

宋書天竺二迦毗黎國傳前廢帝毀廢新安寺驅斥僧徒尋又毀天寶諸寺

太宗定

亂下令

宣旨永嘉王子仁

汝一家門戶不建幾覆社稷天未亡宋景命集我上流迷愚相扇
四海同惡若非我脩德御天下三祖基業一朝墜地汝輩便應淪

於異族之手、我昔兄弟近二十人、零落相繼、存者無幾、唯司徒年
長、令德、作輔皇家、門戶所憑、唯我與司徒二人而已、尙未能厭百
姓、姦心、餘諸王亦未堪贊治、我惟有太子一人、司徒世子、年又幼
弱、桂陽、巴陵、竝未有繼體、止賴汝輩兄弟相倚爲彊、庶使天下不
敢圖覲王室、汝輩始十餘歲、裁知俛仰、當今諸舍細弱、殆不免人
輕陵、若非我爲主、劉氏不辦、今日汝諸兄冲眇、爲羣困所逼、誤遂
與百姓、還圖骨肉、於汝在心、不得無愧、卽日四海就寧、恩化方始
方今處汝湘州、汝年漸長、足知善惡、當每思刻厲、奉朝廷爲心、爵
秩自然與年俱進、我垂猶子之情、著於萬物、汝亦當知好、憶我敕
旨、宋書永嘉王子仁傳太宗遣主書趙恢
公宣旨未幾召建安王休仁言賜死

與始安王休仁書

此段殊得蘇侯兄弟力

宋書始安王休仁傳初行與蘇侯神

與巴陵王休若書

二年

孝建大明中汝敢行此邪

宋書巴陵王休若傳休若轉秘典籤夏竇期上大怒與休若書

報巴陵王休若

七年二月

吾與驃騎南山射雉驃騎馬驚與直閣夏文秀馬相踰文秀墜地

驃騎失韉馬驚觸松樹墜地落砌中時頓悶不識人故馳報弟

宋書

晉平王休祜傳上既殺休祜時巴陵王休若

在江陵其月即馳信報休若

與桂陽王休範書

七年七月

外間有一師姓徐名紹之狀如狂病自云爲塗步郎所使去三月

中忽云神語道巴陵王應作天子汝使巴陵王密知之於是師便

訪覓休若左右人不能得東宮典書姓何者相識數去來師解神

語東宮典書具道神語東宮典書答云我識巴陵間一左右當爲

汝向道數日東宮典書復來語師云我已爲汝語巴陵左右道因

達巴陵巴陵具知云莫聲但聽又頃者史官奏天文占候頗云休

若應挾異端神道茫昧乃不可全信然前後相準略亦不無髣髴

且帖肆開自大明日來有若好之謠於今未止詔若百重章句皆
配呂美辭美事諸不逞之徒咸云必是休若休若且知道路有異
音里巷有若好之謠在西已奇懼致王敬先吐猖狂之言近休若
休仁被誅休若彌不自安又左右多是不相當負罪之徒恆說呂
道路之言卽動之相與唱云萬民之心屬在休若感激其意尋休
若從來心迹殊有可嫌劉亮問高次祖汝一應識此人當給休若
休若在東縱恣羣下無本末還朝被貶爵位小退次祖被亮使歸
過問訊大泣語次祖云我東行是一段功在郡橫爲羣小輩過失
大被貶降我實憤怨不解劉輔國何意不作次祖啟云劉輔國蒙
朝廷生成之恩豈容有此理推此已是有奇意吾使諸王在蕃正
令優遊而已本不日武事而休若在西廣召弓馬健兒都不啟聞
又戾道明等昔親爲賊罪應萬死休若至西大信遇之乃潛將往
不厭京吾知汝意謂休若處奉因事事何如心迹既不復可測因

其還朝在，第與書，事事詰誚於內，許密自引分狀如暴疾致，故差得於其名位，及見子悉得全也。休若既是汝弟，使其狠心得申者，汝得守治城邊，作太尉公邪？非但事關計，亦於汝甚切。汝可密白荀太妃令知。宋書巴陵王休若傳：休若既死，上與驃騎大將軍桂陽王休範書。

報書

鄭脩容有兄喪，令成服。汝可令汝內人知之，再報休祐、休範二家內人知也。或報，_{潘化}關帖一。

賜進士出身二品銜廣東等處提刑按察使司按察使兼管驛傳事務黃岡王毓藻校刊

全宋文卷九終

全宋文卷十

烏程嚴可均校輯

後廢帝

帝諱昱字德融小字慧震明帝長子泰始三年立爲皇太子泰
豫元年四月卽位明年改元元徽在位五年爲其下楊玉夫等
所弑

卽位遣大使巡省詔

泰豫元年六月

夫興王經制實先民隱方求廣教刑於四維朕日昃眇夙膺寶祚
永言民政未接聽覽眷言乃顧無忘鑒寐可遣大使分行四方觀
採風謠問其疾苦有拂民法不便俗者悉各條奏若守宰威恩可
紀廉勤允著依事騰聞如獄訟誣枉職事紕繆情公存私害民利
已者無或隱昧廣納芻輿之議博求獻藝之規巡省之道務令情
洽深簡行識俾若朕親覽焉

宋書後廢帝紀

廣薦舉詔

夫寢夢期賢往誥垂美物色求良前書稱盛朕已冲昧嗣膺寶業
思仰述聖猷勉弘政道興言多士常想得人可暫下牧守廣加搜
採其有孝友聞族義讓光閭或匿名屠釣隱身耕牧足目整厲澆
風扶益陷化者凡厥一善咸無遺逸虛輸仁帛俟聞嘉薦宋書後
廢帝紀
詔祭景玄八月

景玄表如此故散騎常侍中書監左光祿大夫開府儀同三司樂
安縣開國伯興宗忠恪立朝謀猷宣著往屬時難勳亮帷幄錫珪
分壤實允通誥而懇誠慊訴備彰存沒廉樂素情有絜聲軌景玄
固陳先志良目惻然雖彝典宜全而哀款難奪可特申不瞑之請
永矜克讓之風宋書祭興宗傳興宗遺令薄葬奏還封竇追贈後
按子景玄開闢不受又奏還封表疏十餘上見計

大赦詔 元徽元年正月

夫緩法昭恩、裁風茂典、蠲憲貸責、訓俗維義、朕臨馭宸極、寅制氓
寓、式存寬簡、思孚矜惠、今開元肆宥、萬品惟新、凡茲流斥、宜均弘
洗、自元年以前、贖罪徙放者、悉聽還本土、宋書後廢帝紀

申土斷詔 八月辛亥

分方正俗、著白虞冊、川谷異制、煥乎姬典、故井遂有辨、閭伍無雜、
用能七教克宣、八政斯序、雖縣代殊軌、沿革異儀、或民懷遷俗、或
國尚興徙、漢陽列燕代之豪、關西熾齊楚之族、竝通籍新邑、卽居
成舊、洎金行委御、禮樂南移、中州黎庶、襁負揚越、聖武造運、道一
閭區、貽長世之規、申土斷之制、而夷險相因、盈晦遞襲、歲僅凋流、
戎役情散、違鄉寓境、漸至繁積、宜式遵鴻軌、已爲水憲、庶阜俗昌
民、反風定保、夷胥山之險、澄瀚海之波、括河圖於九服、振玉輶於
五都矣、宋書後廢帝紀

因旱下詔省刑 八月甲寅

比亢序愆度，畱熏燿，有傷秋稼，方貽民瘼。朕眇眇疾疴，未弘政道，囹圄尙繁，枉滯猶積。夕厲晨矜，每惻於懷，尙書令可與執法，目下就訊眾獄，使冤訟洗遂，因獎昭蘇，頒下州郡，咸令無壅。宋書後廢帝紀又見

袁粲傳亢序作元序夕厲晨矜作晨競夕厲

因獎昭蘇，頒下州郡，咸令無壅。宋書後廢帝紀又見

蠲改湘江二州徵課詔

九月壬午

國賦氓稅，蓋有恆品，往屬戎難，務先軍實，徵課之宜，或乖昔準。湘江二州，糧運偏積，調役既繁，庶徒彌擾，因循權政，容有未革。民單力獎，歲月愈甚，永言矜歎，情兼宵寐，可遣使到所，明加詳察，其輸違舊令，役非公限者，並卽蠲改，具條以聞。宋書後廢帝紀

恤劉勔詔

元徵初

夫義實天經，忠惟人則，篆素流采，金石宣輝，自非識洞情靈，理感生極，豈有捐驅衛主，舍命匡朝者哉？故持節鎮軍將軍、守尙書右僕射、中領軍、都陽縣開國侯勔，思懷亮粹，體業淹明，允勳樹績，譽

洽華野、綢繆顧託、契闊屯夷、方倚謀猷、登康帝道、逆蕃扇禍、逼授
京甸、援梓誓旅、奉律行師、身與事滅、名隨操遠、朕用傷悼、震慟於
厥心、昔王允秉誠、卞壺峻節、均風往德、歸茂先軌、泉途就永、冤逝
無追、思崇徽策、式光悼史、可贈散騎常侍司空本官侯如故、諡曰
忠昭公、宋書劉劭傳

通淹滯詔二年四月

頃列爵敘勳、銓榮酬義、條流積廣、又各淹閣、歲往事留、理至逋壅、
在所參差、多違甄飭、賞未均洽、每歎厥心、可悉依舊準、竝下注職、
宋書後廢帝紀

禁侈費詔五月

頃國賦多繁、公儲罕給、近治戎雖淺、而軍費已多、廩藏虛罄、難用
馭遠、宜矯革淫長、務在節儉、其供奉服御、悉就減撤、雕文靡麗、廢
而勿修、凡諸游費、一皆禁斷、外可詳爲科格、宋書後廢帝紀

敦素約詔 三年閏三月

頃民俗滋弊國度未殷歲時屢窳編戶不給且邊虞尙警徭費彌繁永言夕惕寢興增疚思弘豐耗之制日敦約素之風庶侍蓄拯民呂康治道大官珍膳御府麗服諸所供擬一皆減徹可詳爲其格務從簡衷

宋書後廢帝紀

別敕李安民 元徽初

九江須防邊備宜重今有此校已增鄢郢之勢無所致辭也

南齊書李

安民傳

稱太后令殺豫章王子尚

子尚頑凶極悖行乖天理楚王姬亂縱慝義絕人經竝可於第賜

盡 宋書豫章王子尚傳楚王山陰公主也

順帝

帝諱準字仲謀

文選褚先生傳注引宋書作仲謀

小字智觀明帝第三子封安成

王歷揚州刺史都督揚南豫二州諸軍事驃騎大將軍元徽五年七月後廢帝遇弒奉迎卽位改元昇明在位三年禪于齊踰月薨年十三諡曰順帝

約捐詔

昇明元年

露臺息構義光漢德雉裘焚制事隆晉道故曰檢奢軌化敦儉馭俗頃旬服未靜師旅連年委蓄屢空勞蔽莫偃而丹墀之飭靡耗難訢寶賂之費徵賦靡計今車服儀制實宜約損使徽章有序勿得侈溢可罷省御府二署凡工麗雕鏤傷風毀治一皆禁斷庶永昭憲則弘茲始政

宋書順帝紀

求賢才詔

九月

昔聖王既沒清風已衰龜書永漚龍圖長祕故三代之末德刑相授世淪物競道陂人諛然猶正士比轂奇才接軫朕襲運金樞纂靈瑤極負展巡政日晏忘疲永言興替望古盈虛姬夏典載猶傳

細帙漢魏餘文布在方冊故元封興茂才之制地節勅獨行之品振維務本存乎得人今可宣下州郡搜揚幽仄標采鄉邑隨名薦上朕將親覽甄其茂異庶野無遺彥永激遐芬

宋書順帝紀

授爵楊文度等詔

開十二月

茂賞有章實昭國度疇庸斯炳載宣史冊督北秦州諸軍事宣朔將軍平羌校尉北秦州刺史武都王文度門乘輝寵世榮邊邑忠果既亮才勁兼彰龍驤將軍楊文弘肅協成規躬提桴鼓申稜百頃席捲蘭皋功烈之美並足嘉歎宜膺爵授目酬勳緒文度可使持節都督北秦雍二州諸軍事征西將軍刺史校尉悉如故文弘將軍略陽太守

宋書氏胡傳

詔諡王敬弘

二年

夫塗祕蘭幽貞芳載越徽猷沈遠懋禮彌昭故侍中左光祿大夫開府儀同三司敬弘神韻冲簡識寓標峻德敷象魏道藹丘園高

挹榮冕。凝心塵外。清光粹範。振俗清風。兼日累朝廷賞。聲華在詠。而嘉篆闕文。猷策韜裏。尙想遙芬。興懷寢席。便可詳定。輝謚式旌。

追典

宋書王敬弘傳

荅齊王劭黃回詔 二年四月

黃回擢自凡豎。夙負疵釁。貫目憲網。收其搏噬。雖勤効累著。而屠懷干紀。新亭背叛。投拜寇場。異規旣扇。廟律幾殆。幸得張敬兒提戈直奮。元惡受戮。及景素結逆。履霜厥久。乃密通音譯。潛送器械。氛沴克霽。狡謀方顯。每存容掩。冀能懷革。故褒茅升爵。均榮勳寵。因諉有本。險惡滋深。搆誘敬兒。志相攻陷。悖圖未遂。狼戾彌甚。近軍次郢鎮。劫逼府主。兼挾私計。多所徵索。主局容疑。使加捶楚。專肆暴慢。罔顧彝則。府牧西蕃。徵責惟厚。曾不知感。猶懷忿怨。李安民遽任河濟。星管未周。貪據衽要。苦祈回奪。黠謁弗已。叨侈無度。遂請求御輿。僭擬私飾。又招萃賊黨。初不啟聞。傷風蠹化。莫此之

甚宜明繩裁肅正刑書使收付廷尉依法窮治宋書黃回傳齊王

上表

詔答

詔答王僧虔

僧虔表如此夫鐘鼓既陳雅頌斯辨所召懋感人祇化動翔泳頃
自金籥弛韻羽份未凝正俗移風良在茲且昔阮咸清識王度昭
奇樂緒增脩異世同功矣便可付外遵議宋書樂志一昇明二年
尚書令王僧虔上表并

論三調
哥詔答

孝懿蕭后

后諱文壽蘭陵蘭陵人武帝繼母義熙中拜豫章公太夫人進
宋王太妃武帝受禪尊爲太后少帝卽位尊爲太皇太后景平
元年崩年八十一

遺令

孝皇背世五十餘年古不附葬且漢世帝后陵皆異處今可於塋

域之內別爲一壙。孝皇陵墳本用素門之禮。與王者制度奢儉不同。婦人禮有所從。可一遵往式。

宋書孝陵
蕭皇后傳

武張夫人

夫人少帝母。武帝受禪。拜爲夫人。少帝卽位。尊爲皇太后。及徐羨之等行廢立。隨還璽綬。元嘉元年。拜榮陽王太妃。

廢少帝爲榮陽王令

王室不造。天禍未悔。先帝創業弗永。棄世登遐。義符長嗣。屬當天位。不謂窮凶極悖。一至於此。大行在殯。宇內哀惶。幸災肆於悖詞。喜容表於在戚。至乃徵召樂府。鳩集伶官。優倡管弦。靡不備奏。珍羞甘膳。有加平日。採擇媵御。產子就宮。醜然無怍。醜聲四達。及懿后崩背。重加天罰。親與左右。執紼歌呼。推排梓宮。抃掌笑謔。殷省備聞。加復日夜媒狎。羣小慢戲。黷造干計。費用萬端。帑藏空虛。人力殫盡。刑罰苛虐。幽囚日增。居帝王之位。好阜隸之役。處萬乘之

尊悅廝養之事親執鞭撲毆擊無辜已爲笑樂穿池築觀朝成暮毀徵發工匠疲極兆民遠近歎嗟人神怨怒社稷將墜豈可復嗣守洪業君臨萬邦今廢爲滎陽王一依漢昌邑晉海西故事奉迎鎮西將軍宜都王義隆入纂皇統宋書少帝紀景平二年五月徐義之等稱皇太后令廢帝爲滎陽王

孝武文穆王后

后諱憲嫺琅邪臨沂人元嘉中拜武陵王妃生廢帝孝武卽位立爲皇后廢帝卽位尊爲皇太后

暴前廢帝罪令

司徒領護軍八座子業雖曰嫡長少稟凶毒不仁不孝著自髻鬢孝武棄世屬當辰厯自梓宮在殯喜容醜然天罰重離歡恣滋甚逼已內外維持忍虐未露而凶慘難抑一旦肆禍遂縱戮上宰殄害輔臣子鸞兄弟先帝鍾愛含怨既往枉加屠酷昶茂親作扞橫

相徵討新蔡公主逼離夫族幽置深宮詭云夢殞實事甫爾喪禮
頓釋昏酷長夜庶事傾遺朝賢奮勳棄若遺土管絃不輟珍羞備
膳詈辱祖考曰爲戲謔行游莫止淫縱無度肆宴圖陵規圖發掘
誅剪無辜籍略婦女建樹僞豎莫知誦息拜嬖立后慶過恆典宗
室密戚遇若婢僕鞭撻陵曳無復尊卑南平一門特鍾其酷反天
滅理顯暴萬端苛罰酷令終無紀極夏桀殷辛未足自譬闔朝業
業人不自保百姓遑遑手足靡厝行穢禽獸罪盈三千高祖之業
將泯七廟之享幾絕吾老疾沈篤每覩禍鳩憂煎漏刻氣命無幾
開闢已降所未嘗聞遠近思奮十室而九衛將軍湘東王體自太
祖天縱英聖文皇鍾愛寵冠列藩吾早識神容特兼常禮潛運宏
規義士投袂獨夫旣殞懸首白旗社稷再興宗祏未固人鬼屬心
大命允集且勳德高邈大業攸歸宜遵漢晉纂承皇極王者詳舊
典曰時奉行未亡人餘年不幸嬰此百艱永尋情事雖存若殞當

復奈何當復奈何宋書前廢帝紀

明恭皇后

后諱貞風瑯邪臨沂人元嘉二十五年拜瑯邪王妃尋改拜州東王妃明帝卽位立爲皇后後廢帝卽位尊爲皇太后齊受禪拜汝陰王太妃建元元年薨追諡曰恭皇后

問沈攸之令

久勞於外宜還京輦然任寄之重換代殊爲未易還止之宜一曰

相委宋書沈攸之傳元徽二年羣公稱皇太后令遣中使問攸之

斥後廢帝令

衛將軍領軍中書監八座昱曰冢嫡嗣登皇統庶其體識日弘社稷有寄豈意窮凶極悖自幼而長善無細而不違惡有大而必蹈前後訓誘常加隱蔽隨戾難移日月滋甚棄冠毀冕長襲戎衣犬馬是狎鷹隼是愛早歷軒殿之中講繅宸扆之側至乃單騎遠郊

獨宿深野、手揮矛鋌、躬行刳斮、白刃爲弄器、斬害爲恆務、捨交戟之衛、委天畢之儀、趨步閭闔、酣譟鑼肆、宵遊忘返、宴寢營舍、奪人子女、掠人財物、方筭所不書、振古所未聞、沈勃儒士、孫超功臣、幼文兄弟、竝豫勳効、四人無罪、一朝同戮、飛鏃鼓劔、孩稚無遺、屠裂肝腸、已爲戲謔、投骸江流、已爲惟笑、又淫費無度、帑藏空竭、橫賦閹河、專充別蓄、黔庶嗷嗷、厝生無所、吾與其所生、每厲目義方、遂謀鳩毒、將騁凶忿、沈憂假日、慮不終朝、自昔辛癸、爰及幽厲、方之於此、未譬萬分、民怨旣深、神怒已積、七廟隳危、四海禪氣、廢昏立明、前代令範、況迴滅義、反道天人所棄、豐深牧野、理絕桐宮、故密令蕭領軍潛運明略、幽顯協規、普天同泰、驃騎大將軍安成王體自太宗、天挺淹敬、風神凝遠、德映在田、地隆親茂、皇祿攸歸、億兆係心、含生屬望、宜光奉祖宗、臨享萬國、便依舊典、已時奉行、未亡人追往傷懷、永言感絕、

宋書後廢帝紀

葬後廢帝令

皇窮凶極暴自取灰滅雖曰罪招能無傷悼棄同品庶顧所不忍可特追封蒼梧郡王葬丹陽秣陵縣郊壇西

宋書後廢帝紀

昭容謝氏

謝氏孝武末拜昭容泰始初居景靈園

請還子嗣本屬表

故東平沖王休倩託茲璿極岐嶷夙表降年弗永遺胤莫傳孝武皇帝敕妾子臣子嗣出繼爲後既承國祀方奉丞薦庶覃遐慶式延於遠而妾顏訓養非恩撫導乖理情關引進義違負螟昔世祖平日說申慈愛崩背未幾真性便發猶逼畏崇憲少欲藏掩自茲已後專縱嚴酷實顯布宗戚宣灼宮闈用傷人倫爰側行路妾天屬冥至感切實深伏願乾渥廣臨曲垂照賜復改命還依本屬則妾母子雖隕之辰猶生之年

宋書東平王子嗣傳子嗣繼東平沖王休倩休倩母顏性理嚴酷泰始二

年子嗣所生母景寧
國昭容謝上表詩之

賜進士出身二品銜廣東等處提刑按察使司按察使兼管驛傳事務黃岡王毓藻校刊

全宋文卷十終

全宋文卷十一

烏程嚴可均校輯

長沙王義欣

義欣長沙王道憐長子永初三年嗣封歷中領軍征虜將軍書
州刺史魏郡太守成石頭文帝卽位進號後將軍加散騎常侍
出爲南兖州刺史遷使持節監豫司雍并四州諸軍豫州刺史
鎮壽陽進號鎮軍將軍元嘉十六年薨追贈征西將軍開府儀
同三司諡曰成王

陳江淮事宜

江淮左右土瘠民疏頃年以來薦饑相襲百城彫弊於今爲甚綏
牧之宜必俟良吏勞人武夫不經政術統內官長多非才授東南
殷實猶或簡能況資接荒垂而可斬衆頓闕願敕選部必使任得
其人庶得不勞而治

宋書長沙
王道憐傳

上言申季歷治績

所統威遠將軍北譙梁二郡太守關中侯申季歷自奉職邦畿於茲五年信惠竝宣威化兼著外清姦暴內輯民黎役賦均平閭井齊肅綏穆初附招攜荒遠郊境之外仰澤懷風爵賞之授績能是顯宜升階秩宋書王歆之傳元嘉九年豫州刺史長沙王義欣上言

檄司寇二州

夫王者之兵已義德相濟非徒墮理土地恢廣經略將已大庇蒼生保全黎庶是已蒙踐霜雪踰歷險難匡國寧民肅清四表昔我高祖武皇帝謚膺明命爰造區夏內夷纂逆外盜寇亂靈武紛紜雷動風舉響軼龍堆聲浮雲朔陵天振地援山蕩海於是華域肅清謳歌允集王綱帝典煥哉惟文太和烟燭流澤洋溢中禁諒闇委政冢宰黠虜乘釁侵侮上國遂令司寇良民復陷非所周鄭遺黎重隔王化聖皇踐祚重光開明明哲柔遠日隆中興遐夷慕義

策宋書
道作書

雲騰波涌方將蹈德履信被藝襲文增修業統作規於後勤施洽
於三方惠和雍於北狄夫養魚者除其偏獺育禽者去其豺狼故
習士研其慮勇夫厲其節嘉謀動蒼天精氣貫辰緯幕府忝任稟
承廟算翦爪明衣誓不顧命提吳楚之勁卒總八州之銳士紅旗
絳天素甲奪日虎步中原龍超河渚興雲散雨慰大旱之思弔民
伐罪積後已之情師曰順動何征而不克況乎遵養耆昧綏復境
土而已哉昔淮泗初開狡徒縱逸王旅人關羣豎颯扇襄邑之戰
素旗授首半城之役伏尸蔽野支解體分羽翼摧挫加曰構難西
虜結怨黃龍控弦燔滅首尾逼畏蜂屯蟻聚假息旦夕豈復能超
蹈長河曰當堂堂之陳哉夫順從遺速歸德惡晚賞賚先附威加
後服是曰秦趙羈旅披榛委誠施紘乘軒剖符州郡慕容姚悅恃
強作禍提挈萬里卒嬰缺鉞皆目前之誠驗往世之所知也聖上
明發愛恤曰道懷二州士民若能審決安危翻然革面率其支黨

歸投軍門者當表言天臺隨才敘用如其迷心不悛竄首巢穴長圍既周臨衝四至雖欲壺漿厥餽其可得乎幸加三思詳擇利害

宋書索虜傳元嘉七年後將軍長沙王義欣出鎮彭城總統羣帥徵司亮二州

臨川王義慶

義慶長沙王道憐次子為臨川武烈王道規後永初元年襲封徵為侍中元嘉初轉散騎常侍祕書監徙度支尚書遷丹陽尹尋加尚書左僕射解職加中書令進前將軍出為平西將軍荊州刺史改授衛將軍江州刺史又改南兖州刺史加開府儀同三司薨贈侍中司空諡曰康王有世說八卷集八卷

筮簻賦

侯牽化而始造魯幸奇而後珍名啟端於雅引器荷初學記作荷重於吳君等齊歌曰無譬似秦箏而非羣初學記十六

鶴賦

其狀也紺絡頸而成飾，植點首曰表儀，羽凝素而雪映，尾舒玄而參差，趾象蚪曰振步，形亞鳳曰擅奇。植文類聚九十一

山雞賦

形鳳婉而鶴峙，羽袞蔚而細暉，臨渌淵而映藻，傍青崖而妍飛，不隱耀而貽累，倏見屈於虞機。藝文類聚九十一

薦庾實等表

詔書時咨羣司，延及連收，旌賢仄陋，拔善幽遐，伏惟陛下惠哲光宣，經緯明遠，皇階藻曜，風猷日昇，而猶詢衢室之令典，遵明臺之徽訓，降淵慮於管庫，紆聖思乎版築，故曰道邈往載，德高前王，臣敢竭虛闇，祇承明旨，伏見前臨沮令新野庾實，秉真履約，愛敬清深，昔在母憂，毀瘠過禮，今罹父疾，泣血有聞，行成閨庭，孝著鄰黨，足曰敦化率民，齊教軌俗，前徵奉朝請，武陵樊祈，恬和平簡，貞潔純素，潛居研志，耽情墳籍，亦足鎮息積競，獎助浮動，處士南郡師

覺授才學明敏操介清脩業均井渫志固冰霜臣往年辟爲州祭酒未行其志若朝命遠暨玉帛遐臻異人閒出何遠之有

宋書臨川王道規傳

啟事

恩旨賜臣犀鏤竹節如意日所未覩

御覽七百三

黃初妻趙罪議

案周禮父母之仇避之海外雖遇市朝鬪不反兵蓋目莫大之冤理不可奪含戚枕戈義許必報至於親戚爲戮骨肉相殘故道乖常憲記無定準求之法外裁以人情且禮有過失之宥律無讎祖之文況趙之縱暴本由於酒論心卽實事盡荒耄豈得目荒耄之王母等行路之深讎臣謂此孫忍愧銜悲不違子義共天同域無虧孝道

宋書臨川王道規傳

江夏王義恭

義恭武帝子景平末爲冠軍將軍南豫州刺史鎮歷陽元嘉元年封江夏王進撫軍將軍尋授散騎常侍都督荆湘雍益梁寧南北秦八州諸軍事開州刺史遷征北將軍開府儀同三司南兖州刺史鎮廣陵進司空徵爲侍中司徒錄尚書領太子太傅進太尉領司徒尋領國子祭酒呂虜寇出鎮彭城降號驃騎將軍尋領南兖州刺史移鎮盱眙又改授大將軍南徐州刺史元凶弒立進太保領大宗師孝武卽位授侍中太尉錄尚書南徐徐二州刺史假黃鉞進太傅鎮京口徵爲揚州刺史進位太宰領司徒大明中加領中書監兼尚書令前廢帝卽位除太尉錄尚書事永光元年呂謀廢立遇害明帝卽位追崇丞相諡曰文獻王有集十五卷

感春賦

聽時禽之哢音信關關已嚶嚶悲陽鴻之赴翔憐春鶯之入楹天

晻曖而流雲，日陰翳而淪精。風淑穆而吹蘭，雨濛濛而洗莖。草承

澤而擢秀，花暎氣而飛聲。

初學記三

華林清暑殿賦

構禦暑之清言，仿測景之西岑。列喬梧以蔽日，樹長楊以結陰。醴泉湧於椒室，迅波經於蘭庭。業芳芝以爭馥，合百草以競馨。飾丹壤以和璧，加疏櫺以連城。至於朱明在運，鬱夕囂晨。寒堂涼結，清觀風絲。覽茲宇之靈緯，啟聖情以寤神。豈宣曲之妄擬，焉甘泉之足陳。

藝文類聚六十二

桐樹賦

伊梧桐之靈林，蔚竦林而擢秀。玄根通徹於幽泉，密葉垂蔭而增茂。挺脩幹以蔭朝陽，招飛鸞以鳴鳳皇。甘露灑液於其莖，清風流薄乎其枝。丹霞赫奕於其上，白水浸潤乎其陂。

初學記二十八

白馬賦

惟皇有造曰靈有祕。麗氣摘精。底愛賈粹。八埏稽首。曰賓庭九。龍
斂衽而納賁。眾車垂德。曰服箱。龍馬宅仁而受繿。是曰周稱踰輪。
漢則天駟。體自乾維。衍生坎位。伊楮白之爲俊。超絕世而緝驥。爾
其爲狀也。竦身輕足。高頰露精。氣猛聲烈。步遠視明。著獻西宛。表
德東京。價傾南夏。觀竭都城。飾金鍔之倏爍。揚玉鑾之龍玲。發鳴
鏑於懸月。驅永埒於脩垌。施四介曰作好。耀二矛之重英。舉舊閑
而未儔。攷前迅而較名。初學記二十九

舉才表

臣聞雲和備樂。則繁會克諧。騁駟駟服。則致遠斯效。陛下順簡奇
化。文明在躬。玉衡既正。泰階載一。而猶發慮英髦。垂情仄陋。幽谷
空同。顯著揚歷。是曰潛虬。鸞麟。佇利見之期。翔鳳。引翼。應來儀之
感。竊見南陽宗炳。操履閑遠。思業貞純。砥節丘園。息賓盛世。貧約
而苦。內無改情。軒冕屢招。確爾不拔。若曰蒲帛之聘。感曰大倫之

美庶投竿釋褐，猷然來儀，必能毗燮九官，宣贊百揆，尙書金部郎臣徐森之，臣府中直兵參軍事臣王天寶，竝局力允濟，忠諒款誠，往年逆臣叛逸，華陽失守，森之全境寧民，績章危棘，前者經略伊瀋，元戎喪旅，天寶北勤河朔，東據營丘，勳勇既昭，心事兼竭，雖蒙褒敘，未盡才宜，竝可授，曰邊藩展其志力，交趾遼邈，累喪藩將，政刑每闕，撫莅惟艱，南中負遠，風遙迥隔，蠻獠狡穢，邊氓荼炭，實須練實，曰綬其難，謂森之可交州刺史，天寶可寧州刺史，庶足威懷荒表，肅清遐服，昔魏戍之賢，功存薦士，趙武之明，事彰管庫，臣誠愧前良，理謝先哲，率舉所知，仰酬採訪，退懼瞽言，無足甄獎，宋書王義恭傳元嘉元年

上世祖勅進表

臣聞治亂無兆，倚伏相因，乾靈降禍，二凶極逆，深酷巨痛，終古未有，陛下忠孝自天，赫然電發，投袂泣血，四海順軌，是言諸侯雲

數均八百義奮之旅其會如林神祚明德有所底止而冲居或躍未登天祚非所自嚴重宗社紹延七百昔張武抗辭代王順請耿純陳款光武正位況今罪逆無親惡盈釁滿阻兵安忍戮善崇姦履地戴天畢命俄頃宜早定尊號以固社稷景平之季實惟樂推王室之亂天命有在故抱拜兆於壓壁赤龍表於霄微伏惟大明無私遠存家國七廟之靈近哀黔首茶炭之切時陟帝祚永慰羣心臣負微嬰罪偷生人壤幸及寬政待罪有司敢以漏刻視息披露肝膽

宋書江夏王義恭傳

省錄尙書表

臣聞天地設位三極同序皇王化則九官咸事時亮之績昭於虞典論道之風宣於周載台輔之設坐調陰陽元凱之置起釐百揆所自欒鍼矢言侵官是誠陳平抗辭匪職罔咎漢承秦後庶僚稱改爵因時變任與世移總錄之制本非舊體列代相沿茲仍未革

今皇家中造事遵前文宜憲章先代證文古則停省條錄已依昔
典使物競思存人懷勸壹則名實靡愆痛節必紀臣謬典國重虛
荷崇位興替宜知敢不輸盡

宋書江夏王義恭傳孝建元年

諫親征竟陵王誕表

誕素無才略畜養又寡自拒王命士庶離散城內乏糧器械不足
徒賴免兵倉頭三四百人造次相附恩怨夙結臣始短慮謂一句
可殄而假息流遷七十餘日上將受律羣蕃岳峙銳卒精旅動已
萬計大威所震未有成功臣雖凡怯猶懷憤踊陛下人剪封豕出
討長蛇兵不血刃再興七百而蕞爾小醜遂延暑漏致皇赫斯怒
將勅乘輿此實臣下素食鴛鈍之責行留百司莫不仰慚俯愧今
盛暑被甲日費千金天威一麾孰不幸甚臣伏尋晉文王征淮南
淹師出二百日方能制寇今誕族耀垂竭背逆者多慶之等轉悟
遲重之非漸見乘機之利且成旨頻降必應旦夕夷殄愚又已廣

陵塗近人信易達雖遠江水約示不難且觀理者寡闇塞者眾忽見雲旌移次京輒既當祇懷四方之志必有未達臣愚伏重思計今寧不當計小愧省生命以安遐邇之情又目長江險闊風波難期王者尙不乘危況乃汎不測之水昔魏文濟江遂有遺州之名今雖先天不違動于休慶龍舟所幸理必利涉然居安慮危不可不懼私誠款款冒啟赤心追用悚汗不自宣盡

宋書竟陵王誕傳

條制諸王府鎮表

古先哲王莫不廣植周親曰辟帝宇諸侯受爵亦願永固邦家至有管蔡梁燕致禍周漢上乖顯授之恩下亡血食之業夫善積慶深宜享長久而歷代侯王甚乎匹庶豈異姓皆賢宗室悉不賢由生於深宮不覩稼穡左右近習未值田蘇富貴驕奢自往而至聚毛折軸遂乃危禍漢之諸王竝置傅相猶不得禁逆七國連謀實由疆盛晉氏列封正足成永嘉之禍尾大不掉終古同疾不有更

張則其源莫救。日者庶人恃親，殆傾王業。去歲西寇藉寵，幾敗皇基。不圖襄楚復生，今觀良日地勝兵勇，獎成凶惡。前事之不忘，後事之明兆。陛下大明紹祚，垂法萬葉。臣年衰意寒，無所知解。忝皇族耆長，慚慨內深。思表管見，裨崇萬一。竊謂諸王貴重，不應居邊。至於華州優地，時可暫出。既日有州，不須置府。若位登三事，止乎長史掾屬。若宜鎮御別差，扞城大將。若情樂沖虛，不宜逼日戎事。若捨文好武，尤宜禁塞。僚佐文學，足充話言。遊梁之徒，一皆勿許。文武從鎮，日時休止。妻子室累，不煩自隨。百僚脩誦，宜遵晉令。悉須宣令齊到，備列賓主之則。衡泌之士，亦無煩干候。貴王器甲，於私爲用。蓋寡自金銀裝刀劍，戰具之服，皆應輸送還本。山突徙薪，防之有素。庶善者無懼，惡者止姦。宋書江夏王義恭傳：義恭常慮爲世祖所疑，及海陵王休茂於

裴陽爲亂，乃上表。

請封禪表

惟皇天崇樞大夏始行掛璣迄於有晉雖聿脩前緒而跡淪言廢
賤記於竹素者焉可單書紹乾維建徽號流風聲破絲管自無懷
呂來可傳而不可朽者七十有四君罔仁厚而道滅鮮義澆而德
宣鍾律之先曠世繇絕難得而聞丘索著明者尙有遺炳故易稱
先天弗違後天奉時蓋陶唐姚姒商姬之主莫不由斯道也是日
風化大洽光熙於後炎漢二帝亦踵襲則因百姓之心聽輿人之
頌龍駕帝服鏤玉梁甫昌言明稱告成上靈況大宋表祥唐虞受
終素德山龍啟符金玉顯瑞異采騰於軫墟紫煙謫於邦甸錫冕
兆九五之徵文豹赴天厯之會誠二祖之幽慶聖后之冥休道冠
軒堯惠深亭毒而獨執沖約未言封禪之事四海竊已惡焉臣聞
惟皇配極惟帝祀天故能上稽乾式照臨黔首協和窮昊膺茲多
福高祖武皇帝明竝日月光振八區拯已溺之晉濟橫流之世撥
亂寧民應天受命鴻徽洽於海表威稜震乎沙外太祖文皇帝體

聖腹仁。述業興禮。正樂頌作。象厥明達。通於神祇。玄澤被乎上下。
仁孝命世。徵武英挺。遭運屯否。三才湮滅。迴龍飛五洲。鳳翔九江。
身先八百之期。斷出人鬼之表。慶煙應高牙之建。風耀符發迹之
辰。親剪凶逆。躬清昏盞。天地革始。夫婦更造。豈與彼承業繼緒。拓
復禹迹。車一其軌。書罔異文。昔同年而議哉。今龍麟已至。鳳皇已
儀。比李已實。靈茅已茂。雕氣降零於宮樹。珍露呈味於禁林。嘉禾
積穗於殿甍。連理合幹於園籓。皆耀質離宮。植根蘭囿。至夫霜臺
玄文。素圃植羽。泉河山嶽之瑞。草木金石之祥。方纖憬塗之謁。抗
驛絕祖之奏。彪炳雜沓。粵不可勝言。太平之應。茲焉富矣。宜其從
天人之誠。遵先王之則。備萬乘。整法駕。脩封泰山。瘞玉岱趾。延喬
松於東序。詔韓岐於西廡。麾天關。使啟闔。謁紫宮。朝太一。奏鈞天
詠雲門。贊揚幽奧。超聲前古。豈不盛哉。伏願時命宗伯。具茲典度。

劾蔡興宗表

臣聞慎節言語大易有規銓序九流無取裁闕若乃結黨連寧譏
訴互起街談巷議罔顧聽聞乃撤實憲制所宜禁經之巨蠹侍中
祕書監臣或自表父疾必求侍養聖旨矜體特順所陳改授臣府
元僚兼帶軍郡雖臣駑劣府任非輕準之前人不爲屈後京郡本
目爲祿不計戶之少多遇缺便用無關高下撫軍長史莊滯府累
朝每陳危苦內職外守稱未堪依唯王球昔比賜曰優養恩慈之
厚不近於薄前新除吳郡太守興宗前居選曹多不平允鴻臚舍
宥恕其不閑改任大都寵均阿輔仍苦請益州雅違成命伏尋揚
州刺史子尚吳興太守休若竝國之茂戚魯衛攸在猶牧守東山
竭誠撫蒞而辭擇適情起自庶族逮佐北藩尤無欣荷御史中丞
永昔歲餘愆從恩今授光祿勳臣淹雖曰代臣累經降黜後效未
申目何取進司徒左長史孔覬前除右衛尋徙今職回換之宜不

爲乃少、竊外談謂或等、咸爲失分、又聞興宗躬自怨懟、與尙書右
僕射師伯疏辭旨甚苦、臣雖不見、所聞不虛、臣目凡才、不應機務、
謬自幸會、受任三朝、進無古人舉賢之美、退無在下獻替之績、致
茲紛紜、伏增慚悚、然此源不塞、此風弗變、將虧正道、塵穢盛猷、伏
願聖聽、賜垂覽察、宋書蔡宗興傳
請赦義康妻息表

臣聞忝祖遠之、猶或慮親降、霍省序義重、令戚故嚴、道疾終嗣、啟
方宇、阜陵愆屏、身還晚恩、竊惟故庶人劉義康、昔昧好回、自貽非
命、沈魂漏籍、垂誠來典、運革三朝、歲盈三紀、天地改朔、日月再升、
陶形賦氣、咸蒙更始、義康妻息漂沒、早違盛化、眾女孤弱、永淪黔
首、卽情原覺、本非己招、感事哀榮、俯增傷咽、敢緣陛下聖化融泰、
春澤覃被、慈育羣生、仁被泉草、實希洗宥、還齒帝宗、則施及陳、
榮施污壤、臣特憑國私、冒目誠表、庶觴靈威、伏紙悲悰、宋書彭城王義康傳

前廢帝永元元年太宰江夏王義恭表

奏徙彭城王義康

投畀之言義著雅篇流殛之敘事在書典庶人義康負豐深重罪不容戮聖仁不忍屢加遲回宥其大辟賜遷近甸斯乃至愛發天超邈終古曾不遇愆甘引而讒言同眾假惇微幸每彤辭色內宣家人外動民聽不逞之族因言生心胡誕世假竊名號構成凶逆杜漸除微古今所務況禍機驟發庸可忽乎臣等參議宜徙廣州遠郡放之邊表庶有防絕

宋書彭城王義康傳元嘉二十四年太尉錄尚書江夏王義恭等奏

奏請嚴章服

臣聞俯懸有數等級異儀佩笏有制卑高殊序斯蓋上哲之洪謨範世之明訓而時至彌流物無不弊僭侈由俗軌度非古晉代東徙舊法淪落侯牧典章稍與事廣名實一差難曰卒變章服崇濫多歷年所今樞機更造皇風載新耗弊未充百用思約宜備品式

之律目定損厭之條臣等地居枝昵位參台輔遵正之首請旨爵
先致貶之端宜從威始輒因暇日共參愚懷應加省易謹陳九事
雖懼匪衷庶竭微款伏願陛下聽覽之餘薄垂昭納則上下相安
表裏和穆矣

宋書江夏王義恭傳與驃騎大將軍竟陵王誕奏詔付外詳

奏斬臧質事

臧質底棄下才而藉遇深重窮愚悖常構扇凶逆變至滔天志圖
泯夏違恩叛德舉過恆科梟首之憲有國通典懲戾思永去惡宜
深臣等參議須辜日限意使依漢王莽事例漆其頭首藏於武庫
庶爲鑑戒昭示將來

宋書臧質傳斬質首傳京師江夏王義恭左僕射宏等奏詔可

章太后毀廟議

經籍殘僞訓傳異門諒言之者固一故求之者豈究是目六宗之
辯舛於兼儒迭毀之論亂於羣學章皇太后誕神啟聖禮備中興
慶流靡靡德光義遠宜長代崇芬奕葉垂則豈得降侔通倫反遵

常典夫議者成疑實傷紀傳知一爽二莫窮書旨案禮記不代祭爰及慈母置辭令有所施穀梁於孫止別主立祭則親執虔祀事異前志將由大君之宜其職彌重人極之貴其數特中且漢代鴻風遂登配祔晉氏明規咸畱薦祀遠攷史策近因闇見未應毀之於義爲長所據公羊祇足堅秉安可曰貴等帝王祭從士庶緣情訪制顛越滋甚謂應同七廟六代乃毀

宋書禮志四孝建元年有司奏章皇太后廟毀置之

禮義恭曰爲云云詔可

鑄四銖錢議

伏見沈慶之議聽民私鑄樂鑄之室皆入署居平其準式去其雜僞愚謂百姓不樂與官相闕由來甚久又多是人士蓋不願入署凡盜鑄爲利利在僞雜僞雜既禁樂入必寡云斂取輪郭藏爲永寶愚謂上之所貴下必從之百姓聞官斂輪郭輪郭之價百倍大

小對易誰肯爲之彊制使換則狀似逼奪又去春所禁新品一時

施用愚謂此條在可開許又云今鑄宜依此格萬稅三千又云嚴
檢盜鑄不得更造愚謂禁制之設非惟一旦昧利犯憲羣庶常情
不患制輕患在冒犯今入署必萬輸三千私鑄無十三之稅逐利
犯禁居然不斷又云銅盡事息姦偽自禁愚謂赤縣內銅非可卒
盡比及銅盡姦偽已積又云禁鑄則銅轉成器開鑄則器化為財
然頃所患患於形式不均加已翦鑿闕二鉛錫眾訴耳越若止於
盜鑄銅者亦無須苦禁宋書顏竣傳
孝建三年

聖起湖田議

夫訓農修本有國所同土著之民習翫日久如京師無田不開從
居他縣尋山陰豪族富室頃畝不少貧者肆力非爲無處耕起空
荒無救災歉又緣湖居民魚鴨爲業及有居肆理無樂從宋書孔
靖傳

賜進士出身二品銜廣東等處提刑按察使司按察使兼管驛傳事務高岡王毓藻校刊

全宋文卷十一終

全宋文卷十二

烏程嚴可均校輯

江夏王義恭

答詔慰雷次宗

元嘉二十五年

雷次宗不救所疾甚可痛念其幽棲窮敝自賓聖朝克已復禮始終若一伏惟天慈弘被亦垂矜愍

宋書雷次宗傳

荅誠勒

臣雖未能臨瀚海濟居延庶免劉仲奔逃之恥

宋書江夏王義恭傳初虜深入上慮

義恭不能固彭城備加誠勒義恭荅又見南史十三

荅詔問何尚之致仕事

元嘉二十九年

尚之清忠貞固歷事唯允雖年在縣車而體尚充壯未相申許下

情所同

宋書何尚之傳

薦沈邵殷

盱眙太守劉顯真求自解說劾往莅任有政績彰於民聽若重授

肝胎足為良二千石

宋書自序

謝賜金梁鞍啟

賜臣供御金梁橋鞍制作精巧宜副龍駒聖慈下逮猥垂光錫

記二十二御覽三百五十八

謝敕賜華林園櫻桃啟

手敕猥賜華林櫻桃為樹則多陰為果則先熟故種之於臨事之

前有蟬鳴焉顧命紜取呂弄
疏文類聚卷八十六初學記二十八

謝敕賚華林園柿啟

敕旨垂賚華林園柿出自神苑滋味殊絕

疏文類聚卷八十六御覽九百七十一

謝賜交州檳榔啟

奉賜交州所獻檳榔味殊常品塗遠蒔醬

御覽九百七十一

啟事

恩旨賜臣犀鏤竹節如意目所未觀

北堂書鈔一百三十四

垂賜金鏤虎魄茱萸囊七寶樹裝箱裏副之七寶枝裝玉眼明燈

北堂書鈔一百三十六御覽七百四

聖恩優重猥賜華纓玉笏珍冠飾首琛板耀握非臣朽薄所宜服

受

初學記二十六御覽六百四十五又六百九十二

詔旨臣赦日所制綾紋錦布袍放生古具袍垂重賜

御覽六百九十三

恩旨臣犀鏤金錯酒杯盤垂賜

御覽七百五十八

聖恩賜金銀針七色縷并格一犀棟刷匣副絲布兆珍服寶玩已

協嘉辰

御覽八百三十

賜臣金獸袍珍製巧飾

洪恩覃被賜臣息伯禽檀屋二間

御覽一百八十一

與朱脩之書

義宣反道叛恩自陷極逆大義滅親古今同準無將之誅猶或囚

殺況醜文悼志宣灼遐邇鋒指絳闕兵纏近郊輿逼憂深臣主肝
食賴朝略震明祖宗靈慶罪人斯得七廟弗隳司刑定罰典辟攸
在而皇慈逮下愍其愚迷抑法申情屢奏不省人神悚遑省心震
惕義宣自絕於天理無容受社稷之慮臣子責深便宜專行大戮
已紓國難但加諸斧鉞有傷聖仁示弘弘恩使自為所上全天德
下一洪憲臨書悲慨不復多云宋書南郡王義宣傳大司馬江貞
朱脩之書書未達脩之
王義恭詣公王八座與荊州刺史

與王玄謨書元嘉二十八年

聞因敗為成臂上金瘡得非金印之徵也宋書王玄謨傳義恭曰
還為魏軍所迫大破之流矢中
臂義恭與書又見南史十六

與南郡王義宣書

頃聞之道路云二魯背叛致之有由謂不然之言絕於智者之耳
忽見來表將興晉陽之甲驚愕駭惋未譬所由若主幼臣強政移

家宰或時旨下縱在上畏逼然後實藩忠構視難赴機未聞聖主
御世百辟順軌稱兵於言興之初扶危於既安之日以此取濟竊
爲大弟憂之昔歲二囚構逆四海同僇弟協宣忠孝奉戴明主元
功盛德既已昭著皇朝欽嘉又亦優渥丞相位極人臣江左罕授
一門兩王舉世希有表倍推誠彰於見事出納之宜唯意所欲哀
升進益方省後命一旦棄之可謂愚也吾等荷先帝慈育得及人
羣思報厚恩昊天罔極竭力盡誠猶懼無補奈何妄聽邪說輕造
謗難國靡流言據歸愆於二叔世無鼂錯仍襲轍於七蒲棄漢蒼
之令範遵齊同之敗迹往時仲堪假兵靈寶旋害其族孝伯授之
劉牢忠誠逝踵皆漢代之成事當今之殷鑒也賊質少無美行弟
所具悉憑恃末賊竝有微勦承乏推遷遂超倫伍藉西楚疆力圖
濟其私凶謀若果恐非復池中物晉宗父子世爲國冤太祖方弘
遐略故爽等均雍肅之封令據有五州虎兇出於匣是須爲劉淵

耳徐遺寶是垣護之婦弟前因譏之歸於吾苦求北出不樂遠西
近磐桓湖陸示還劉雍其意可見雍是徐冲舅適有密信誓倒戈
自虜侵境已來公私踴躍安已撫之庶可寧靜弟復隨而擾亂吾
恐邊鄙皆爲禾黍宜遠尋高祖創業艱難近念家國比者禍亂時
息兵戈共安社稷責躬謝過誅除險佞追保前勳傳美竹帛昔梁
孝悔罪景帝垂恩阜質改過肅宗降澤忠焉之誨聊希往言禍福
之機明者是察主上神武英斷羣策如林忠臣發憤虎士投袂雄
騎布野艣艦蓋川吾已不才忝權節鉞總督羣帥首戒戎先指晨
電舉式清南服所已積行緩期冀弟不遠而悟如其遂溺姦說者
天實爲之臨書慨懣不識次第

宋書南郡王義宣傳

宋書謝質傳

詐進元因勸策

慨請小年未習軍旅遠來疲弊宜已逸待之今遠出梁山則京都

空弼東軍乘慮容能為患若分力兩赴則兵散勢離不如養銳待
期坐而觀釁
宋書元因劬傳義恭慮義兵倉卒船勝

丹徒宮集敘

昭化景俗玄敘凝神

文選王融曲水詩序注

嘉禾甘露頌

并上表

臣間居高聽卑上帝之功天且弗違聖王之德故能影響二儀甄
陶萬有鑒觀今古探驗圖緯未有道闕化虧而禎物著明者也自
皇運受終辰曜交和是日卉木表靈山淵效寶伏惟陛下體乾統
極休符襲逮若乃鳳儀西郊龍見東邑海酋獻改緇之羽河祗開
俟清之源三代象德不能過也有幽必闢無遠弗屆重譯歲至休
瑞月臻前者躬藉南畝嘉穀仍植神明之應任斯亢盛四海既穆
五民樂業思述汾陽經始靈囿蘭陵甫樹嘉露頻流板築初就祥
穗加積太平之符於是乎在臣已寡立承乏槐鉉沐浴芳津預觀

冥慶不勝抃舞之情謹上嘉禾甘露頌一篇不足稱揚美烈追用
悚汗其頌曰

二象攸分三靈樂主齊應合從在今猶古天道誰親唯仁斯輔皇
功帝績理冠區宇四民均極我后體茲惟機惟神敬昭文思九族
既睦萬邦允釐德召位敘道致雍熙於穆不已顯允東儲生知夙
報嶽茂淵虛因心則哲令問弘敷繼徽下武儼景辰居軒制合宮
漢興未央矧伊聖朝九有已康率由舊典思燭前王乃造陵霄遂
作景陽有謫景陽天淵之浹清暑爽立雲堂時起植類斯育動類
斯止極望江波遍對岳峙化德惟達休瑞惟懋誕降嘉種呈祥初
構甘露春凝禎稔秋秀於今匪烈嗣歲仍富昔在放勳厯焚數朝
降及重華倚扇清庖鏤矣皇慶比物競昭倫彼典策被此風謠咨
臣六蔽任兼兩司既惠仲衮又慚鄭緇豈忘衡泌樂道明時敢述
休祉愧闕令辭

宋書符瑞志下元嘉二十四年七月嘉禾旅生華林園及景陽山園承樹道念召問太尉江夏王義

恭上表

華林四瑞桐樹甘露贊

遠延鳳翽遙集鸞步惠潤何廣濡我萌庶

初學記二十八

衡陽王義季

義季小字師護武帝子元嘉元年封衡陽王歷征虜將軍領石頭戍事遷使持節都督南徐州諸軍事南徐州刺史尋代臨川王義慶都督荆湘雍益梁寧南北秦八州諸軍事安西將軍荆州刺史加散騎常侍進號征西大將軍領南蠻校尉徙都督南兗徐青冀幽六州諸軍征北大將軍開府儀同三司南兗州刺史進督豫州之梁郡遷徐州刺史二十四年薨追贈侍中司空諡曰文王有集十卷

傷劉道產啟

故輔國將軍劉道產患背癰疾遂不收道產自鎮漢南境接凶寇

政績既著、威懷兼舉、年時猶可、方宣其用、奄至殞沒、傷忽特深、伏惟聖懷、愍惜兼至、宋書劉道產傳

與江夏王義恭書

宗居士不救所病、其清履肥素、終始可嘉、爲之惻愴、不能已已、宋書宗炳傳

彭城王義康

義康、小字車子、武帝子、永初元年、封彭城王、歷右將軍、南豫州、南徐州刺史、文帝卽位、進號驃騎將軍、加散騎常侍、開府儀同三司、改授荊州刺史、入爲侍中都督揚南徐兖三州諸軍事、司徒錄尚書、領平北將軍、南徐州刺史、輔政、尋領揚州刺史、又領太子太傅、進位大將軍、領司徒、元嘉十七年、出爲都督江州諸軍事、江州刺史、鎮豫章、尋免爲庶人、絕屬籍、二十八年、賜死、上表遜位

臣幼荷國靈，爵遇踰等。陛下推恩睦親，日隆棠棣，愛忘其鄙，寵授遂崇，任總內外，位兼台輔，不能正身率下，白肅庶僚，瞻近失所，漸不自覺，致令毀與違實，賞罰謬加。由臣才弱任重，日及傾撓，今雖罪人，卽戮王猷，載靜養登貽垢，實由於臣。鞠躬慄慄，若墮谿壑，有何心顏而安斯寵，軌解所職，待罪私第。宋書彭城王義康傳

歲饑平糶議

東土災荒，人凋穀踊，富商蓄米，日成其價，宜班下所在，隱其虛實，令積蓄之家，聽畱一年儲餘，皆救使糶貨，爲制平價。此所謂常道，行於百代，權宜用於一時也。又緣淮歲豐，邑地沃壤，麥旣已登，黍粟行就可折其估賦，成就交市，三吳飢人，卽日貸給，使彊壯轉運，巨贍老弱。

南郡王義宣

義宣武帝子，元嘉元年封竟陵王，歷左將軍、徐州刺史，遷中書

監進號中軍將軍、加散騎常侍、改封南譙王、出爲江州刺史、遷
征北將軍、南徐州刺史、進車騎將軍、荊州刺史、進位司空、改侍
中、領南蠻校尉、遷司徒、中軍將軍、揚州刺史、未就徵、孝武卽位、
目爲中書監、丞相都督揚豫二州刺史、改封南郡王、固辭、改授
荊湘二州刺史、孝建元年、舉兵反、改元建平、爲沈慶之等所敗、
死江陵獄、

奉表自陳

臣聞博陸毗漢、獲疑宣后、昌國翼燕、見猜惠王、常謂異姓震王、嫌
隙易構、葭莩瀆戚、昭亮可期、臣雖庸懦、少希忠謹、值巨逆滔天、忘
家徇國、雖厯算有歸、微績不樹、竭誠盡忠、貫之幽顯、而微疑莫監、
積毀日聞、投杼之聲、紛紜溢聽、諒緣奸臣交亂、成是貝錦、夫澆俗
之季、少貞節之臣、冰霜競至、靡後彫之木、竝寢處凶世、甘榮僞朝、
皆纓冕之所棄、投畀之所取、至乃位超昔寵、任參大政、惡直醜勳、

妄生邪說、疑惑明主、誣罔視聽、又南從郡僚、勞不足紀、橫叨天功、
目爲己力、同樊相肩、圖傾宗社、滅賢去歲、忠節動高古賢、魯爽協
同大義、志契金石、此等猜毀、必欲禍陷、昔汲黯尙存、劉安寢志、孔
父旣逝、華督縱逆、臣雖不武、積著艱難、復肆讒佞、規見誘召、宗祀
之危、綴旒非所、臣託體皇基、連暉日月、王室顛墜、咎在微躬、敢忘
抵鼠之忌、甘受犯墮之責、輒徵召甲卒、分命眾藩、使忠勤申憤、義
夫効力、戮此凶醜、謝愆闕廷、則進不負七廟之靈、退無愧二朝之
遇、臨表感愧、辭不自宣、宋書南郡王義宣傳
與張鏡書論儒釋

佛教召罪、福因果有若影響、聖言明審、令人寒心、然自上古帝皇、
文武周孔、典謀訓誥、靡不周備、未有述三世顯敘報應者也、彼眾
聖皆窮理盡性、照曉物緣、何得忍視陷溺、莫肯援接、曾無一言示
其津逕、且鈞而不綱、弋不射宿、博碩肥膋、上帝是享、曰此觀之、蓋

所難了想二三子揚摧而陳使劃然有證祛其惑焉

弘明集十二

安論孔釋書又載張新安答譙王書列於晉習鑿齒後鄭道子前
監目爲晉之嗣譙王也其實非也劉義宣封竟陵王改封南譙王
又改封南郡王周辭譙王即義宣矣
張新安者張鏡也僧佑未經放出

元凶劭

劭字休遠文帝長子元嘉六年立爲皇太子三十二年二月弑

父卽位改元太初義軍起伏誅

荅詰讓

南第昔屬天興求將吏驅使臣荅曰伍那可得若能擊賊者可入

隊當時蓋戲言耳都不復憶後天興道上通辭乞位追存往爲者

不忍食言呼視見其形容粗健堪充驅使脫余使監禮兼隊副比

用人雖取勞舊亦參用有氣幹者謹條牒人名上呈下人欲嫁者

猶未有處

宋書元因劭傳上遣闕人奚承祖詰讓劭荅

詐爲文帝詔

魯秀謀反汝可平明守關率眾入

宋書元凶劭傳其月二十一日夜討上詔魏弋劉義隆傳作劭

又諸義隆救云魯秀謀反汝明可守關將兵入討也

即位下書

徐湛之江湛弑逆無狀吾勒兵入殿已無所及號惋崩劬肝心破

裂今罪人斯得元凶克殄卜世靈祚永享無窮思與億兆覃茲更

始可大赦天下改元嘉三十年爲太初元年文武並賜位二等諸

科一依丁卯

宋書元凶劭傳後魏書劉義隆傳

下臧敦等書

臧敦等無因自駭急便竄逸迷昧過甚良可怪歎質國威勳臣忠

誠篤亮方當顯位贊翼京輦而子弟波迸傷其乃懷可遣宣譬令

還咸復本位

宋書臧質傳

始興王濬

濬字休明小字虎頭文帝次子元嘉十三年封始興王歷後將

軍、湘州刺史、遷南豫州、揚州刺史、加散騎常侍、進號中軍將軍、出爲征北將軍、南徐兗二州刺史、徙衛將軍、荊州刺史、領護南蠻校尉、未行、元凶弒立、已爲侍中、中書監、領太子太傅、南徐州刺史、錄尚書事、爲義軍所誅、

與沈璞疏

璞字道真
林子少子

卿嘗有速藻舊宮、何其淹邪、想行就爾、

宋書
自序

重與沈璞啟

卿沈思淹日、向聊相敦、還白斐然、遂兼紙翰、昔曹植有言、下筆成章、良謂逸才、瞻藻諒其辭說、已今況之、方知其信、執省躊躇三復不已、吾遠慚楚元、門盈申白之賓、近愧梁孝、庭列板馬之客、欣慰交至、諒唯深矣、薄因未牘、已代一面、

宋書自序璞嘗作舊宮賦久而未畢落與璞疏璞因事陳

谷辭義可
觀滯重故

上言問漕谷湖

元嘉二十二年

所統吳興郡、於帶重山地多汗澤、泉流歸集、疏決遲壅、時雨未過、已至漂沒、或方春輟耕、或間秋沈稼、田家徒苦、防遏無方、彼邦輿區、地沃民阜、一歲稱稔、則懷被京城、時或水潦、則數郡爲災、頃年呂來儉多豐寡、雖賑資周給、傾耗國儲、公私之弊、方在未已、州民姚嶠、比通便宜、目爲二吳晉陵義興四郡、同注太湖、而松江滬瀆、壅噎不利、故處處涌溢、浸漬成災、欲從武康紵溪、間漕谷湖、直出海口、一百餘里、穿渠洽必無闕、濫自去踐行、量度二十許載、去十一年大水、已詣前刺史臣義康、欲陳此計、卽遣主簿盛昱、秦泰、隨嶠周行、互生疑難、議遂寢息、旣事闕大利、宜加研盡、登遣議曹從事史虔、長孫與、吳興太守孔山上、同共履行、準望地勢、格評高下、其川源山脈、莫不踐校、圖畫形便、詳加筭攷、如所較量、使謂可立、尋四郡同患、非獨吳興、若此洽獲通、列邦蒙益、不有墮勞、無由永晏、然興創事大圖、始當難、今欲且開小漕、觀試流勢、輒差爲程、武康

東遷三縣近民卽時營作若宜更增廣尋更列言昔鄭國敵將史起卑忠一聞其說萬世爲利嶠之所建雖則芻蕘如或非妄庶幾可立

宋書二
因傳

與主簿顧邁孔道存書

沈璞淹思踰歲卿研慮數旬瓊麗之美信同在昔向聊問之而還荅累翰辭藻豔逸致慰良多旣欣股肱備此髦楚還慚子躬無德而稱復裁少字宣志於璞聊因尺紙使卿等具知厥心

宋書
自序

與沈璞書

狡虜狂凶自送近服僞將卽斃所長傷殘實天威所喪卿諸人忠勇之効也吾式遏無素致境蕪民瘠負乘之愧允當其責近乞退謝愆不蒙垂許故日報卿

宋書
自序

荅太子劭書

奉令伏深惶怖啟此事多日今始來問當是有感發之者未測源

由耳計臨賀故當不應翻覆言請自生寒熱也此姥由來挾兩端
難可孤保正爾自問臨賀冀得審實也其若見問當作依違答之
天興先署佞人府位不審監上當無此簿領耳急宜譴之殿下已
見王未宜依此具合嚴自躬上啟聞彼人若爲不已正可保南史作促
其餘命或是大慶之漸宋書元凶劭傳南史十四

與孝武書

聞弟忽起狂傲阻兵反噬縉紳憤歎義夫激怒古來陵上內侮誰
不火滅弟洞覽墳籍豈不斯具今主上天縱英聖靈武宏發自登
宸極威澤兼宣人懷甘死之志物競舍生之節弟蒙眷遇著自少
長東宮之懼其來如昨而信惑姦邪忘茲恩友此之不義人鬼同
疾今水步諸軍悉已備辦上親御六師太保又秉鉞臨統吾與烏
羊相尋卽道所已淹遲緩電者猶冀弟迷而知返耳故略示懷言
不盡意主上聖恩每厚法師今在殿內住想弟欲知消息故及宋書

元凶劬傳劬使溶與世祖書烏羊者
南平王錄法師世祖世子小名也

與元凶劬書

船故未至今晚期當於此下物令畢願速救謝陽出船艦尼已入
臺願與之明日決也臣猶謂車駕應出此不爾無已鎮物情宋書
傳劬將敗溶勸劬入海蜚珍寶縑帛
下船與劬書云云尼即嚴道育也

賜進士出身三品銜廣東等處提刑按察使司按察使兼管驛傳事務黃岡王毓藻校刊

全宋文卷十一終